

Na osnovu Odluke Upravnog odbora Univerziteta broj: 101-3131/19 od 23.12. 2019. godine, a u skladu sa odredbama člana 73. Zakona o visokom obrazovanju Hercegovačko- neretvanskog kantona (Službene novine HNK broj: 4/12), člana 188. Statuta Univerziteta „Džemal Bijedić“ u Mostaru i člana. 19. Pravilnika o unutrašnjoj organizaciji i sistematizaciji radnih mjesta na Univerzitetu „Džemal Bijedić“ u Mostaru, Univerzitet „Džemal Bijedić“ u Mostaru raspisuje,

K O N K U R S

za zasnivanje radnog odnosa na neodređeno vrijeme za radno mjesto: nastavnik u zvanju docenta za područje: Društvene nauke, polje: Ekonomija, grana: Teoretska ekonomija na Univerzitetu „Džemal Bijedić“ u Mostaru

I

Raspisuje se konkurs za zasnivanje radnog odnosa za radno mjesto: nastavnik u zvanju docenta za područje: Društvene nauke, polje: Ekonomija, grana: Teoretska ekonomija na Univerzitetu „Džemal Bijedić“ u Mostaru – 1 izvršilac.

Radni odnos se zasniva na neodređeno vrijeme.

II

OPIS POSLOVA:

- daje prijedlog nastavnog programa predmeta;
- predlaže preispitivanje i usavršavanje nastavnog plana i programa;
- preporučuje dostupne udžbenike i priručnike za nastavni predmet za koji je izabran;
- priprema i izvodi nastavu prema rasporedu nastave, usklađenom s nastavnim planom i prema sadržaju utvrđenom nastavnim programom;
- vodi evidenciju o prisustvu nastavi, obavljenim ispitima i postignutom uspjehu studenata;
- radi sa saradnicima, laborantima i demonstratorima u cilju njihove edukacije i osposobljavanja za izvođenje vježbi;
- obavlja konsultacije sa studentima u svrhu savladavanja nastavnog programa;
- redovno održava ispite za studente prema rasporedu u propisanim ispitnim rokovima;
- podnosi izvještaj o prolaznosti na nastavnom predmetu nakon svakog ispitnog roka;
- predlaže teme i mentor je studentima pri izradi završnog rada, diplomskog rada i doktorske disertacije;
- učestvuje u radu Naučno-nastavnog vijeća, Senata i drugih stručnih organa Univerziteta;
- učestvuje u radu komisija u postupku izrade završnog rada, diplomskog rada i doktorske disertacije;
- učestvuje u radu komisija za pripremanje prijedloga za izbor nastavnika i saradnika;
- učestvuje u radu i drugih komisija na fakultetu i Univerzitetu,
- organizuje i izvodi naučnoistraživački rad;
- obavlja i druge poslove utvrđene Zakonom, kao i poslove po nalogu dekana.

III

Kandidati je potrebno da ispunjavaju:

1. Opće uslove za zaključivanje radnog odnosa:
 - da je državljanin Bosne i Hercegovine;
 - da je navršio najmanje 15 (petnaest) godina života;
 - da je je zdravstveno sposoban za obavljanje poslova radnog mjesta na koje aplicira;
 - da nije osuđivan za krivično djelo i privredni prestup koji predstavlja smetnju za obavljanje poslova radnog mjesta na koje aplicira, u periodu od 5 (pet) godina prije objavljivanja konkursa/oglasa;
 - da mu odlukom suda nije zabranjeno obavljanje poslova radnog mjesta na koje aplicira;
 - da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine).

2. Pored gore navedenih općih uslova, kandidati potrebno je da ispunjavaju posebne uslove konkursa:
 - Odluka o izboru u zvanju docenta ili Potvrda/Uvjerenje o izboru u zvanje docenta za područje: Društvene nauke, polje: Ekonomija, grana: Teoretska ekonomija.

IV

POTREBNI DOKUMENTI

Pismena prijava sa kraćom biografijom kandidata treba da sadrži adresu stana, kontakt telefon, te dokaze koji se prilažu uz prijavu u originalnoj ili ovjerenjnoj kopiji, i to:

- Izvod iz matične knjige rođenih
- Uvjerenje o državljanstvu, ne starije od 6 mjeseci,
- Uvjerenje Suda da kandidatu nije zabranjeno obavljanje poslova na navedenoj poziciji,
- Ovjerenu izjavu da ne podliježe članu IX 1. Ustava BiH,
- Odluku o izboru u zvanju docenta za područje Društvene nauke, polje Ekonomija grana Teoretska ekonomija.

Napomena: Kandidat koji bude izabran će po okončanju konkursne procedure dostaviti:

- Uvjerenje o nevođenju krivičnog postupka (ne starije od 3 mjeseca) i
- Ljekarsko uvjerenje.

V

Potpisane prijave sa dokazima o ispunjavanju uslova konkursa se dostavljaju neposredno ili putem pošte u zatvorenoj koverti, na adresu:

UNIVERZITET „DŽEMAL BIJEDIĆ“ U MOSTARU SJEVERNI LOGOR B.B., 88 104 MOSTAR
NA KOVERTI JE POTREBNO NAZNAČITI:

(Prijava na konkurs za zasnivanje radnog odnosa na neodređeno vrijeme za radno mjesto: nastavnik u zvanju docenta za područje: Društvene nauke, polje: Ekonomija, grana: Teoretska ekonomija - NE OTVARATI).

Na poleđini koverta treba biti naznačeno: ime i prezime kandidata, adresa i kontakt telefon.

Nepotpune i neblagovremene prijave, kao i kopije tražene dokumentacije koje nisu ovjerene, neće se uzeti u razmatranje.

Javni konkurs ostaje otvoren 15 dana od dana objavljivanja u dnevnom listu "Dnevni avaz" i web stranici Univerziteta, www.unmo.ba.